

گوئتی آذربایجانین گوجو و سیاسی معادلاتدا رولو

سن
هر زمان
یترلی ایدین
YOU WERE
ALWAYS
ENOUGH



تورک لرین تمکینلی دوروشو: کائوسدان اوزاق، حاضیرلیقلی علیرضا قولونجو

ایراندا باش وئرن سون آياقلانمالمار باغلامیندا تورک لرین، اوزللیکله گوئتی آذربایجانین توتومونو آنلاماق اوچون مسئله نی یالیز گونجل گلیشمه لر اوزریندن اوخوماق یترلی دئییلدیر. بو تابلونو چۆزمک اوچون سوسیال یاپی، تاریخی حافیظه و سیاسی راسیوناللیق بیرلیکده اله آیینمالی دیر.

گوئتی آذربایجان یوکسک شهرلشمه و ایقتیصادی اینتیقراسیون سوییه سی سایه سینده تیجارت بورژوازیسینه، کیچیک و اورتا اؤلچولو صنایعه، گوجلو اصناف شبکه لرینه و ائیتیملی (تعلیم گۆرموش) اورتا صنیفه دایانان، دؤولت سیستمی ایله نیسبتا

اینتیقره اولموش بیر ایجتماعی قورولوش سرگیله ییر. بو قورولوش آنی قیریلمالاردان چوخ، اؤلچولو و پلانی حرکت لره مئیلی دیر. بونا قارشیلیق گوجلو تورک کیملیگی و تاریخی دولت تجربه سی آذربایجانین مرکزی اولوس آنلاتیسینا قارشى مسافه لی و تمکینلی بیر بیلینجین شکیل لنمه سینه یول آچمیشدیر. اینتیقراسیون ایله مسافه آراسینداکی بو ایکلی کاراکتر، سیاسی داورانیشین (رفتارین) تمکینلی اولوشدورور.

تبریزین ایران مشروطیت اینقیلابی سوره جینده اوینادیغی مرکزی رول تصادوفی دئییلدیر. ۱۹۴۵-۴۶ ایللرینده کی آذربایجان میلی حۆکومتی تجربه سی ده بو تاریخی حافیظه نی درینلشدیرمیشدیر. بو ایکلی تاریخی تجربه بۆلگه ده کونترولسوز سیاسی یۆنلیم لردن چوخ، اؤلچولو و استراتژیک رفلکسین شکیل لنمه سینه قاتقی ساغلامیشدیر.

سون یوز ایله آریان تمکینلی اولوس اینشاسی چرچیوسینده یاشانان سمبولیک و قورومسال دیشلانمایا دیره ن تورک توپلومو دولتن بوتونوله قوپمامیش، سیستم ایچینده وارلیغینی داوام ائتدیره رک کیملیگینی ده قوروماغی باشارمیشدیر. تورکیه و آذربایجان جمهوریتی ایله داوام ائدن دو یغوسال و کولتورل باغلار، بو تاریخی داوام لیلیغی گوجلندیرن بیر عایدیت چرچیوه سی سونماقدادیر. بو گون اورتایا چیخان تابلونو آنلاماق اوچون بو آرخا پلانی گۆزدن قاچیرماماق گره کیر. گوئتی آذربایجاندا بیر دنگه سیاستی شکیل لنمیشدیر. رادیکال آیریشما یئرینه تمکینلی مسافه ترجیح ائدیلمیش. آچیق قارشى دورما و یا چاتیمشا یئرینه استراتژیک پوزیسیون (مؤوقع) قورونور. چونکی شیدت و کونترولسوز کوچه دالغالاری شهر توخوسونو بیپرادار. اؤلوم، قورخو و گونوسیزلیک شهرلری ضعیفله در و بۆلگه نین سیاسی بازارلیق گوجونو آزالدار. اورمی و تبریز کیمی شهرلرده بئرلی دینامیکلردن دوغان حرکت لرله دیش (خاریج) مرکزی دالغالار آراسیندا بیلینجلی بیر فرق قویولور. سیاسی قاتیلیم چوخ زمان راسیونال بیر مالیت-فایده حسابی ایله قیمتلندیریلر.

اۆز کونترولو دیشیندا و فرقلی مرکز لردن قاینالانان، اۆزه للیکله شیدت ایچهرن اعتیراضلار تمکینلی یاناشیلیر. شهرلرین حضورونو و امنیتی قوروماق اۆنجه لیگی اولاراق اؤنه چیخار. آنجاق اساس بلیرللیجی اولان ایرانین گله جه یینه دایر اولاسی سناریولاردیر. رژیمین سرتلشمه سی، کونتروللور فورم، بۆلگه سل پارچالانما یا دا خاریجی موداخيله کیمی فرقلی احتیما لار سۆز قونوسودور. هر بیر سناریودا گوئتی آذربایجان اوچون اساس مسأله کوتله وی دو یغوسال رئاکسیون دئییلدیر. اساس هدف توپلومسال دوکو و شهر مرکزی ایستیقاراری قورویاراق سیاسی پوتانسیلی موحافیظه ائتمکدیر. بو ندله تورک لرین تمکینلی یاناشماسی پاسیولیک دئییلدیر. عکسینه، شهرلرینی و توپلومسال ایستیقارارینی قوروما ایراده سی دیر. باشقا مرکز لردن یۆنلندیریلن، سونجو بلیرسیر و یوکسک مالیتلی دالغالار قاپیلماق تورک لرین تاریخی بیریکیمینی ضعیفله ده بیلر. کائوسا سورکلنمه یین و قورومسال قابلیتینی قورویان بیر بۆلگه، بلیرسیرلیک دؤنملرینده سیاسی ایراده سینی داها گوجلو شکیلده اورتایا قویا بیلر. بو یاناشما اولاسی بوتون سناریولار قارشى گلیشدیرلمیش استراتژیک بیر حاضیرلیق دیر. تورک توپلومو، اۆزه للیکله گوئتی آذربایجاندا بو تمکینلی دوروشو سوردوررکن، اۆلکه خاریجینده فعالیت گۆسترن آکتیویستلرین ده خاریجی مرکز لردن گلن چاغیریلار قاپیلما مالاری تمل بیر اۆنجه لیک دیر. (سون)


بولتن حاققیندا:

- بولتن گوئتی آذربایجان میلی مسئله لرینی موباحیثه ائدیر.
- بولتن، گوندم سیاسی ایجتیماعی اولایلار گوئتی آذربایجان میلی حرکتین گۆزو ایله باخماغا چالیشیر.
- بولتنین هر نۆمره سینده اۆزل بیر باشلیق موختلیف آچیلاردان موباحیثه ائدیلمیش.
- بولتن یازارلار هئیتی طرفیندن ایداره اولونور.

تورکجه نین ائدیتور: ل. جاوانشیر
انگیلیسجه نین ائدیتور: ت. بوزقورت
دیزاین ایشلری: ص. پورموسوی

Email: bulten.sdp@gmail.com

۱۳۵۷ - دن سونرا گونئی آذربایجان تورکلی: حاکیمیتده گورونن، حاقلاردا گورونمه یین بیر گنرچک لیک دوکتور لاله جوانشیر



۱۳۵۷-جی ایلده باش وئرن ایران ایسلام اینقیلابی، گونئی آذربایجانلی لارین فعال ایشتیراکی حسابا قاتیلما دان نه سیاسی، نه ده ایجتیماعی باخیمدان تام اولاراق آچیقلا نا بیلر. پهلوی دؤنه مینده یاشانان سیاسی و کولتورل (مدنی) باسقیلار، آنا دیلی نین عموم یی آلدانان قوولوب خصوص یی آلا نا سیخیشدی ریلما سی و کولکتیو حافیظه ده توپلانان عدالت سیزلیک دو یغوسو، اینقیلاب زامانی گوجلو بیر عموم یی سفربریک یارادا بیلدی. آذربایجانلی لار اوچون بو ساده جه رژی م ده ییشیک لیگی دئییل، عئینی زاماندا تاریخی بیر حسابلا شما آلامینا گلیردی.

آنجا ق اینقیلابین غلبه سی، آذربایجانلی لارین سیستم ایچینده قالیجی و تأثیرلی بیر سیاسی گوجه دؤنوشمه سینه سبب اولما دی. داها ایلک مرحله ده، یئنی قورولان ایدئولوژی ک دؤولت مودلی ایله بؤلگه نین کیملیک و سیاسی گؤزلنتی لری آراسیندا ضیعدیت اورتایا چیخدی. «ولایت فقیه»-ین آنا یاسا (قانون اساسی) اساسلاریندان بیر یی حالینا گتیریلمه سی، بیر چوخ آذربایجانلی دینی و سیاسی آکتور طرفیندن مرکز لشمه نین گوجلنمه سی کیمی ده یرنلندی ریلدی. بونولا دا عموم یی بیر ناراضی لیک اورتایا چیخدی. بو ناراضی لیک محمد کاظم شریعتمداری اطرافیندا شکل لهن «خلق مسلمان» حرکتی تمثیلینده اؤزونو گؤستردی. اونلار، داها یئرلی و آلترناتیو بیر دینی-سیاسی باخیشی تمثیل ائدی ردی. تبریزده یوکسه لن اعتراض شو عارلاری بو ناراضی لیغین آچیق گؤسترگه سی ایدی. ایسلام اینقیلابیندان سونرا دؤولتین آذربایجانلا موناسیبتی ایکیلی بیر استراتژی یه دایان دی: اینتیقراسیون (جذب ائتمه) و نظارت! بیر یاندان مهدی بازرگان و عبدالحسن بنی صدر کیمی آذربایجان کؤکنلی سیاستچی لره یوکسک وظیفه لر وئریل دی؛ دیگر یاندان باغیم سیز دینی و ایجتیماعی مرکز لر تصفی ه ائدی لدی. قیسا مودت ایچینده سیستمه جذب ائدی لن لیبرال فیقورلار دا اوزقلاشدیریلما غا باشلاندی. بو موناسیبت سیاست علمینده Exclusion by Inclusion ("داخل ائده رک کنارا قویما ق") کیمی تانی نیر. ائنتیک ائلیت لر حاکیمیت یین ایچینه آلی نیر، آما توپلومون آنا دیلی، مدنی و سیاسی حاقلاری، ائله جه ده کولکتیو (جمعی)

حاقلاری سیستمین ائشیکینده ساخلانیر. بو مودل خصوصیه علی خامنه ای دؤورونده داها دا گلیشدیری لدی. اونون آذربایجانلا بعضی باغلاری اولماسینا باخمایاراق، تورک دیلینده تحصیل رسمی و قورومسال سوییه ده گنیش لشمه دی. میلی طلب لر ایسه گنده رک «امنیت مسأله سی» چرچیه سینده اله آلینما غا باشلاندی و ائنتیک حاقلار سیاسی بیر ریسک اولاراق کودلاندی. بئله لیکله مسأله برابر یورددا شلیق طلبی اولماقدان چیخاری لیب، امنیت سؤیله می ایچینه حبس ائدی لدی. سئچکی لر و یا انتخابات مسأله سینده ده بنزه ر بیر پارادوکس آچیق بیر شکیلده اؤزونو گؤستردی: قاتیلیم (مشارکت) وار، آما گنرچک (واقعی) تمثیل یوخدور! آذربایجانلی سئچمن لر (رأی وئر نلر) سئچکی لره فعال بیر شکیلده قاتیلاراق سیستمین مشروعیت یه قاتقی سوندولار؛ آنجا ق اونلارین آنا دیلده ائیتیم، کولتورل حاقلار و یئرل ایداره طلب لر ی قرار وئر مه مکانیزمینده داخل ائدی لمه دی. سون ایلرده مسعود پزشکیان کیمی آذربایجان کؤکنلی دؤولت آداملاری نین اؤنه چیخاریلما سی، سئچکی لره قاتیلیمی (مشارکتی) کئچجی اولاراق آرتیر دی. فقط بو وضعیت یاپی سال (ساختاری) بیر ده ییشیک لیک دئییل دی، داها چوخ تاکتیکی بیر حمله و یا مانور ایدی. عئینی محدودیت رفورمیست قاناددا دا گؤرولوردو. میر حسین موسوی کیمی آدلار سیمبولیک ژست لرله آذربایجانلی سئچمنه (رأی وئر نلره) ال تاپما غا چالیشسا دا، دؤولتین فارس-مرکزی ایدئولوژی ک چرچیه سی نین ائشیکینه چیخا بیل مه دی لر. بو سببله هم حاکیمیت هم ده مرکزی موخالیفت آذربایجانلی لارین سیاسی دسته یینی آرزولارکن، کولکتیو (جمعی) حاقلارین تانینما سی باره ده تعین ائدیجی بیر آددیم آتما دی. بوگون اورتایا چیخان تابلو پارادوکس دولودور: گونئی آذربایجان تورکلی حاکیمیت ساختارلاری ایچینده وار دیرلار و گورونورلر، آما حاکیمیت یین ایچریگینی و یا مضمونونو مو عین لشدیریمک ایمکانینا صاحب دئییل لر. ۱۳۵۷-دن سونرا شکل لهن مودل اوچ تمل خصوصیت داشی ییر؛

۱. ایدئولوژی ک مرکز لشمه

۲. ائلیت لرین سیستمه جذب ییله توپلومون کناردا قالما سی و

۳. سیاسی قاتیلیمین آتله و یا وسیله یه چئوریلمه سی

اوزون مودتلی پرسپکتیو ده ایسه اصیل سوال بودور: حوقوقی و کولتورل (فرهنگی) تانیما اولما دان، ساده جه قاتیلیم اوزه ریندن تولید ائدی لن مشروعیت نه قدر داوام ائتدیر یله بیلر؟ تاریخی تجرو به گؤستیر کی، قالیجی سیاسی ایستقرار، گورونور و فورمال تمثیلدن یارانما ز. قالیجی سیاسی ایستقرار، برابر حاقلاردان و حیاتا کئچیریلمه سی دؤولت قوروملاری طرفیندن جید ی شکیلده تامین ائدی لن حاقلاردان یارانار. (سون)

**گونئی آذربایجان تورکلی
حاکیمیت ساختارلاری
ایچینده وار دیرلار و
گورونورلر، آما
حاکیمیت یین ایچریگینی و
یا مضمونونو
مو عین لشدیریمک ایمکانینا
صاحب دئییل لر.**

**۱۳۵۷ دن سونرا
شکیل لهن مودل اوچ
تمل خصوصیت
داشی ییر:**

- ایدئولوژی ک مرکز لشمه

**- ائلیت لرین سیستمه
جذب ییله توپلومون
کناردا قالما سی**

**- سیاسی قاتیلیمین آتله
و یا وسیله یه
چئوریلمه سی**

گوئی آذربایجاندا یایغین اولان سیاسی شوعارلار و اولنلارین ماهیتی


دوکتور راهب محمدی قنبرلو

گوئی آذربایجاندا یاشایان آذربایجان تورکلری آراسیندا سیاسی شوعارلار اوزون ایللردیر کولکتیو کیملیگین، مدنی حقوق طلبلرین و توپلومسال (اجتماعی)- سیاسی ناراضیلیقلارین ان گورون ايفاده شکیل لریندن بیرى ساییلیر. بو شوعارلار یالنیز سیاسی چاغیریش ماهیتی داشیمیر. عئینی زاماندا توپلومون تاریخی یادداشینى (حافىظه سینی)، کیملیک شعورونو و توپلومسال عدالت آختاریشینى عکس ائتدیرن سمبولیک متین لر کیمی چیخیش ائدیر. سوسیولوژیک باخیمدان اولنلار هم موبیلیزاسیون واسیطه سی، هم ده کولکتیو حیسلرین ايفاده پلاتفورماسی رولونو اویناییر. ان گئیش یایلمیش شوعارلارین بؤیوک حیصه سی دیل و کیملیک مسئله لری ایله باغلی دیر. مثلاً «تورک دیلینده مدرسه، اولمالیدیر هر کسه» کیمی شوعارلار آنا دیلینده تحصیل حقوقو طلبی نین قیسا، لاکین گوجل دو یغوسال ايفاده سیدیر. بو تیپ شوعارلارین مضمونوندا مدنی برابریک، سمبولیک تائینما و آسمیلاسیون قورخوسونا قارشى موقاویمت ایدیالاری یئر آلیر. سوسیولوژیک باخیمدان بو، اتیک کیملیگین پاسیو مدنی خصوصیتدن آکتیو سیاسی طلبه چئوریلدیگینی گؤستریر. باشقا اؤنملی شوعار قوروپو بؤلگه سل برابرسیزیک و توپلومسال عدالت قونوسو ایله باغلی دیر. «آذربایجان وار اولسون، ایستهمه یین کور اولسون» کیمی شوعارلار یالنیز میلى غرور ايفاده سی دئییل، هم ده مرکزی سیاستلره قارشى ناراضیلیغین دو یغوسال شکیل دیر. بو شوعارلارین مضمونوندا هم بؤلگه سل اینکیشاف طلبی، هم ده کولکتیو بیرلیک حیسی نین گوجلندیریلمه سی مقصدی آچیق شکیلده گؤرونور. بو تیپ ايفاده لر «بیز» و «اولنلار» سرحدینی قوراراق کولکتیو کیملیگین سرتلشمه سینه سبب اولور. تاریخی یادداش ایله باغلی شوعارلار دا اؤنملی یئر توتور. مشروطه دؤورو لیدرلرینه ایستیناد ائدن شوعارلار کولکتیو یادداشین سیاسی مشروعیت یاراتما عملینی نومایش ائدیر. بو تیپ شوعارلار کئچمیش موباریزه ایله ایندیکی سیاسی طلبلر آراسیندا سمبولیک کؤرپو یارادیر. بئله لیکله تاریخ یالنیز خاطیره کیمی دئییل، هم ده سیاسی قایناق کیمی ایش گؤرور. سون ایللرده داها چوخ دموکراتیک و حقوق یؤنوملو شوعارلارین پایلماسی موشاهیده اولونور. «آزادلیق، عدالت، میلى حؤکومت» کیمی ايفاده لر اتیک کیملیک چرچیوه سینی آشراق سیاسی ایشتیراک، وطنداش حقوقلاری و دموکراسی طلبلرینی اؤن پلانا چیخاریر. بو ایسه گؤستریر کی، شوعارلار تکجه اتیک مضمون داشیمیر، هم ده اونبورسال سیاسی ده یئرلره علاقه له نیر. نتیجه اعتباری ایله، گوئی آذربایجاندا سیاسی شوعارلار چوخ قاتلی توپلومسال معنا داشی ییر: اولنل کیملیگین قورونماسی، توپلومسال عدالت طلبی، تاریخی یادداشین جانلاندیریلماسی و سیاسی موبیلیزاسیونون اساس واسیطه لریندن بیرى کیمی چیخیش ائدیر. بو شوعارلار توپلومون کولکتیو دو یغولارینی قیسا، سمبولیک و تأثیرلی شکیلده ايفاده ائدن اؤنملی توپلومسال متین لردیر. (سون)

ایلکه سل توتارلی لیک اوزرینه ...

دوکتور تئومان آکتان

بوگونلر بیر چوخ کسیم و چئوره طرفیندن ایرانین هارایا گئتدیگی دانیشیلیر. بیز ایسه بیر سیاسی حرکتین منسوبو اولاراق بو سوالا داها دوغرو بیر یتردن یاناشماق اوچون اؤنجه اوز قونوموموزو بهایرله مه لی یک (معین ائتمه لی یک). چونکو هر بیر سیاسی یؤنه لیم تکجه دیش (خاریجی) گلیشمه لرله اولمور، سیاسی اؤزنه نین (فاعل) اؤز ایلکه سل چرچیوه سی ایله و دوروشویلا اساسدا بهایرلنمه لیدیر. آذربایجانین کؤکلو بیر دموکراتیک موخالیفت گه له نه یی و بیر عصری آشان موختاریت موجدیله سی نتیجه سینده اولوشموش، تاریخی سوره کلی لیکه صاحب بیر سیاسی چیزگیسی وار دیر؛ بو تاریخی سورج عئینی زاماندا گوجلو بیر تئوریک زمین، ایلکه سل بیر چرچیوه و سیستماتیک بیر تز بیریکیمی ده (سرمایه ده) اورتایا چیخارمیش دیر. بو سیاسی چیزگی اساسدا برابر ایستاتو طلبی و کولکتیو وارلیغین تائینماسی ایصراری اوزرینه قورولودور. آنجاق سون ایللرده اؤلکه ده و بؤلگه ده یاشانان سیاسی چالختیلار، آرتان سیاسی و ایدئولوژیک صف لشمه لر، اورتادوغونون گله جه یی ایله ایلگیلی چابالار بو چیزگینی جیدى بیر سیناما ایله قارشى-قارشىیا بوراخمیش دیر. سون دؤنمده اورتایا چیخان بو حیزلی گلیشمه لر، سیاسی چیزگینی هم ایلکه سل توتارلی لیک هم ده ایستراتژیک یؤنه لیمی باخیمندان چتینلشدیرمیش دیر. کونژونکتورال باسقیلارین یوغونلاشدیغی (آرتدیغی) دؤنملرده آیینان قرارلار، ایلکه (هدف) ایله پراتیک آراسینداکی او یومو ضعيفلتمه ریسکینی داشی ییر. بو او یوم زده لندی که، سیاسی چیزگینی ایناندیرجیلیغی و توپلومسال (اجتماعی) مشروعیت زمینی ده آشیندیرماغا (ضعیف لتمه یه) باشلار. بو ندنله اساس مسأله، ده ییشن سیاسی شرطلر قارشیسیندا ایلکه سل توتارلی لیک موخالیفه ائدرکن



سیاسی چیزگینی یؤنونو، یتلیگینی و دواملی لیغینی گونجه آلتینا آلا بیلمک دیر. بو چرچیوه ده آتیلاجاق هر آدمین قیسا مودتلی تاکتیک قازانیملاردان زیاده اوزون وعده لی سیاسی خطی تحکیم ائتمه یه خیدمت ائتمه سی زورونلودور. سیاسی موجدیله ده کونژونکتورال آوانتاجلار جاذیب گؤرونسه ده، اگر بو آدمیلار تمل ایلکه و ده یئرلره او یوملو بیر چرچیوه یه اوتورمورسا، زامانلا چیزگینی ایدئولوژیک بوتولویونو زده له یه بیلر. تاکتیک اسنکلیک (انعطاف)، نورماتیف ثابیت لیک ایله دنگه نمه دیکه سیاسی چیزگینی ایلکه لر و ده یئرلره چلیشکیلی (ضدیتلی) آلانلار ساوورا بیلر؛ بونولا بیرلیکده اونجه لیک ده ییشمه سینه، سؤیلم پارچالانماسینا و تمثیل بۇحرانینا یول آچاراق یؤنه لیم بولانیق لیغی اورتایا چیخارا بیلر. بو دوروم خالقین نزدینده بیر مشروعیت آشیندیرماسینا سبب اولاراق کولکتیو موبیلیزاسیون قابیلیتی اوزرینه بیپرداجی تأثیرلر دوغورار. سیاسی گوون و تمثیل ایدیاسی بیر دفعه زده لندی که، یئئیدن اینشاسی اوزون سولخلو بیر سوره جه دؤنوشر. دولایسیلا بورادا احتیاج دویولان شئی رفلکسیو تپیکلر (واکنش لر) یا دا کونژونکتورال یؤنلیم لر دئییل؛ ایلکه و ده یئرلره سؤیکه نن، ایدئولوژیک توتارلی لیغی قورویان و سیاسی چیزگینی داواملی لیغینی گونجه آلتینا آلان بوتولولکلر بیر یئئیدن تحکیم سوره جیدیر. هامینی دوشوندورن اساس سوالا قاییداجاق اولساق، بو چکیش-برکیشلی دورومدا (آردی دؤردونجو صحیفه ده)

آزاد اولماق اوچون اؤزونو زنجرلردن آزاد ائتمک کیفیت دئیل، باشقالارینین آزادلیغینا حورمت ائتمه‌لی و دستکله‌مه‌لیسن!

نلسون ماندئلا

گونئی آذربایجانین اؤز ایداره ائتمه
مودلینی قورماسینین مشروعیتی و
قورومسال قابیلیتی ایله باغلی اساس
سوال «ممکوندورمو؟» دئیل. بورادا
اساس سوال بودور:
توپلوم (جمعیت) اولراق تشکیلاتلار و
تورپاق اوزهرینده موثر نظارتی برقرار
ائتمک اوچون کوردیناسیالی شکیده
حرکت ائتمک مومکون اولماق?

ایرانین هانسی یؤنه ائوریلجه‌ییندن زیاده، بیزیم هانسی نورماتیو
اؤلچولره و هانسی سیاسی ایلکله‌ر تمیلده حرکت ائتدیگیمیزین تعین
ائدیجی اولاجاغیدیر. توتارلیق، سیاسی وارلیغیمیزین قوروجو
دایاناغیدیر. بو سببله بوگون اؤنوموزده دوران تمل وظیفه، یالنیزجا بیر
گله‌جک تصورونو تئشددیرمک دئیل؛ او تصورو دموکراتیک ایلکه و
ده‌یرلره بیر چلیشکی ایچینده اولماسینا دیکت ائتمکدیر. بیر سیاسی
حرکتین اولغونلوغو، بۇحران آنلاریندا وئردیگی رفلکسیو تپکیلر یئرینه
نورماتیو چرچیه‌سینی قوروما، سؤیلم ایله پراتیک آراسیندا
سوره‌کلیک ساغلاما قابیلیتی ایله اؤلچولور. قیسا زامانلی قازانیملار
اوغرنا تمل ایدیلارینی اسنهدن یا دا کونژونکتورا گؤره سؤیلم
ده‌ییشدیرن حرکتلر باشلانغیجا پراگماتیک بیر گؤرونو وئره‌بیلر؛ آنجاق
زامان ایچینده تمیل قابیلیت‌لرینی و مشروعیت زمین‌لرینی
آشیندیرارلار. گئچک سیاسی اولغونلوق ایسه ده‌ییش گؤج دنگه‌لرینه
رغما آنا ایلکه‌لری موحافیظه‌لر ائده‌بیلر، اؤز پراتیکینی ده تنقیدی
سوزگدن کئچیره‌بیلر و تاکتیک ترجیح‌لر ایله تاربخسل یؤنه‌لیم
آراسیندا معقول بیر دنگه قورا‌بیلر. سونوج اولراق، توتارلیق
یالنیزجا ائیک بیر ترجیح دئیل؛ هر هانسی بیر کولکتیو دموکراتیک
موجادیلرین قورومسال حافیظه‌سینی آفاقدا توتان، سیاسی گوه‌نی
گولندیرن و تمیل ایدیلارینا داوام‌لیق قازان‌دیران واز کئچیلر بیر
زورونلوق دور. (سون)

۲۴ اسفند ۱۴۰۴


بولتن، بیرینجی نؤمره، صحیفه ۴

گونئی آذربایجانین دؤولت‌لشمه ایمکانلاری: ژئوپولیتیک گئرجک‌لیک و گله‌جک اوفوقلاری

تورکان بوزقورت

گونئی آذربایجانین ژئوپولیتیک موقوعی ایران ایچینده‌کی دیگر خالق‌لاردان فرقلی اولراق داها استراتژیک و داها آغیر بیر وضعیتده‌دیر. دیگر
آزلیق خالق‌لارلا موقایسه‌ده، گونئی آذربایجان تاریخی دؤولت قوروجولوغو تجربه‌سی اولموش و بو گون ده دؤولتچیلیک اوچون ضروری
سایلان اساس شرطلرین بؤیوک حیصه‌سینی اؤزونده بیرلشدیرن بیر توپلوم دور.
اؤلا، ۱۹۴۵-جی ایلدن قالان دؤولتچیلیک تجربه‌سی و ایداره‌چیلیک نومونه‌سی وار. همین حؤکومت سونرادان مرکزین حربی گوجو ایله
یخیلسا دا، بو فاکت اونون ایداره ائتمه پوتانسیلینی و اینستیتوسیونال اساسلارینی اینکار ائدن اعتیبارلی بیر موباحیثه دئیل. تاریخده
اوخشار نمونه‌لر وار. مثلاً، ایرلند اوزون مودت ایشغال و مستعمره باسقی‌لاری ایله اوز-اوزه قالسا دا، سونوندا مستقیل‌لیگینی ائده ائده
بیلدی. بو باخیمدان، گونئی آذربایجانین هانسی عامل‌لر حسابینا دایانغی‌لیک بیر ایداره ائتمه مودلینه چئوریلر بیلجه‌یینه قیسا بیر نظر سلاق.
شوبه‌سیز کی بیزیم فرقلی دلیمیز، تاریخیمیز و مدنیتیمیز وار. آنجاق دؤولتچیلیک یالنیز مدنی کیملیکه محدودلاشمیر. بیر چوخ خالقین
دیلی و تاریخی اولسا دا، بو، اوتوماتیک شکیده دؤولت قورماق قابیلیتی دئمک دئیل. بونا گؤره مسأله‌نی داها چوخ سیاسی و قورومسال
معیارلار اوزریندن ده‌یرلندیرمک لازیمدیر. دایمی اهالی، موئین اراضی، قاینالار اوزرینده نظارت، موثر قوروملار، داخلی و خارجی تانیما
ایمکانلاری، سووئرئلیک و بین‌الملل موناسیبت‌لره داخل اولماق باجاریغی کیمی گؤستریجی‌لر وار.
گونئی آذربایجان اراضیسینده ثابت و دایمی بیر اهالی یاشاییر. داها دا اهمی‌تلی‌سی، بو اهالی او تورپاقلارین یئرلی ساکن‌لری‌دیر؛ عصیرلر
بوو همین جوغرافیادا یاشامیش بیر توپلوم دور. گونئی آذربایجانین موئین و تاریخی سرحدلری اولان بیر اراضی مفهومو دا وار. یعنی تاریخی
کؤکو و سوسیال باغلیلیغی اولمایان تورپاقلار ایدعا ایره‌لی سورولمور؛ مۇوجود جوغرافی-سیاسی واقعیتین تانیماسیندان دانیشیلیر.
تاریخی خریطه‌لره و دموقرافیک یادداشا باخدیقا، موختلیف دؤورلرده آپاریلیمیش کؤچ سیاستلریندن اؤنجه ده سرحدلرین عومومی
چرچیه‌سینی ایزله‌مک مومکون دور. خالقیمیزین احتیاجلارینی قارشیلانماق اوچون کیفیت قدر قاینالاریمیز وار. گونئی آذربایجان قاز و
قیزیل کیمی طبیعی ثروتلره، بوغدا، تره‌وز و میوه ایستحصالی سایه‌سینده گوجلو اکینچیلیگه صاحبدیر. آراز چاپی و اورمو گؤل (یئنیند)
جانلانا بیلن) سو منبع‌لری ده بو ایقتیصادی امک‌نلاری تاماملاییر. بو قاینالار اوزرینده ثمره‌لی نظارت قورماقلا اینسان کاپیتالینی، وئرگی
سیستمینی و ایجتیماعی خیدمت‌لری داها موثر شکیده ایداره ائتمک ممکن دور. اینستیتوسیونال باخیمدان، تخصوصی‌لشمیش دؤولت
قوروملارینین فورماللاشدیریلماسی مومکون دور. قانون‌وئرچی قوروملار، قرارلارین ایجrası و محکمه‌لر (قانولارین شرحی و حوقوقی
نظارت) کیمی یاپیلار (ساختارلار) ۱۹۴۵-جی ایل تجربه‌سینده قیسماً ده اولسا گؤرونوموشدور. بونولا بئله، ان مورگب سوال‌لاردان بیر
تانیما مسأله‌سی اورتایا گلیر. گونئی آذربایجان، خالقیمیز و دیگر آکتورلار طرفیندن نه درجه‌ده تانیما و دستکلنه‌بیلر؟ سووئرئلیگیمیزی برقرار
ائتمک و اؤز داخلی و خارجی ایش‌لریمیز اوزرینده عالی حاکیمیتی حیاتا کئچیرمک، فدرال یا مستقیل حؤکومت فورماتیندان آسیلی
اولمایاراق، خالقیمیزین اؤز تورپاغینا نظارت ائدن بیر حؤکومت قورماق اوچون گوجلو بیر ایستهی وار. خارجی تانیما، دیپلوماتیک
موناسیبت‌لر، تیجارت، تهلوکه‌سیرلیک و بؤلگه‌سل ثابت‌لیک اوچون بعضی تورک دؤولت‌لری ایله مومکون سیاسی و مدنی یاخینلیق وار؛
اما یالنیز بونولا کیفایت‌لنمک اولماز. غئیری-تورک دؤولت‌لره ده علاقه‌لرین قورولماسی و مشروعیت چرچیه‌سینی گئنیشلندیریلمه‌سی
واجیب‌دیر. میثال اوچون، موسلمان اؤلکه‌لر ایله دینی اورتاق نوقطه‌لردن و ضرورت یاراندیقا «دوشمنیمین دوشمنی منیم دوستوم دور»
منطیقی ده ایشله‌یه‌بیلر. نتیجه اعتیباری ایله، گونئی آذربایجانین اؤز ایداره ائتمه مودلینی قورماسی‌نین مشروعیتی و قورومسال قابیلیتی
ایله باغلی اساس سوال «ممکوندورمو؟» دئیل. بورادا اساس سوال بودور: توپلوم (جمعیت) اولراق تشکیلاتلار و تورپاق اوزهرینده موثر
نظارتی برقرار ائتمک اوچون کوردیناسیالی شکیده حرکت ائتمک مومکون اولماق؟ (سون)

بولتن گونئی آذربایجاندا مسألهلره باخیر



ساواش آلووندا اوجوزلاشان اینسان و جانلانا

آذربایجان یادداشی

فرامرز اصغرزاده

بو دفعه آرتیق مسئله سس‌سیزلیک دئییل؛ ایندی شهرلرین اوزرینده اوچان راکتلرین و ساواشین قورخونج سسی دیر. سسلرده غضب دالغالانیر. بلکه ده دونن فرقی یوخدور دئین گنج، بو گون یورغون آما قرارلی بیر سسله آرتیق یئتر دئییر. بو تون دیشیک‌لیگی، ایران جمعیتی‌نین درسی‌نین آلتیندا باش وئرن داها درین بیر دیشیک‌لیگی نیشانه‌سی دیر. بو، دوغوسال بیر تصویر دئییل؛ اونون آرخاسیندا ایقتیصادی رقم‌لر و ساواشین داغینتیلاری دایانیر. اؤلکه نین ایقتیصادی بؤیومه‌سی سون ایللرده دورغونلوق فازاسینا گیرمیشدیر و ۱۴۰۴-جو (۲۵-۲۶) ایل اوچون بؤیومه اورانی‌نین منفی ۰.۴ اولاجاگی تخمین اندیلیر. ۴۰ میلیون یاخین اینسان یوخسوللوق ایچینده‌دیر؛ یعنی نوفوسون هارداسا یاریسی دولانیشیق تهلکه‌سیزلیگی پرولمی ایله اوز-اوزه‌دیر. چاتیشما آنالیزی آراشدیرمالاری آدام باشینا دوشن گلیرین آزالدیگی اؤلکه‌لرده ایچ ساواش احتمالی‌نین بؤیوک اؤلچوده آرتدیغینی گؤستریر. بئله لیکله، یوخسوللوق تکجه سوسیال بیر مسئله دئییل، هم ده بیر گونولیک گؤستریجی‌سی دیر.

بئله بیر وضعیتده، باش وئرن ساواش ایله بیرلیکده، محصولو گله‌جکسیر اینسان گوجو اولان بیر بازار فورمالاشیر. میلیونلارچا اینسان ساواش باسقیمی آلتیندا یاشادیقدا و ایستیدام پرسپکتیوی ساواش دؤورونده تام محو اولدوقدا، رادیکال قورولار و یا زوراکلیق و شیدت مرکزی شبکه‌لر اوچون اینسان جلب ائتمک آسانلاشیر. ثابت گلیری اولمایان و اینفلاسیون سببیدن آلیم گوجو هر گون آزالان گنج، کیچیک مالی تکلیفلره قارشو بئله حساس حالا گلیر. ساواشین آلوولاری ایچینده گونده‌لیک حیاتی‌نین ثابیتلیگی و پارلاق اوفوقو یوخدورسا، یوکسک ریسکی بیر قورولوشا قوشولماق آرتیق تماماً منطیقسیر گؤرونمور. یوخسوللوق، ائلان و قوت توپلاما خرج‌لرینی آشاغی سالیبر و نتیجه‌ده دؤیوشچو اوجوزلاشیر. ایقتیصادی بؤیومه منفی اولدوقدا و ساواش ایران رژیم‌نین بودجه‌سینی تضییق آلتینا سالدیقدا، ایداری و گونولیک قوروملاری دا قایناق محدودیتی ایله اوزله‌شیرلر. ایقتیصادی ثابیتلیک اوزرینده قورولموش بیر یاییپدا، اوزون مودتلی دورغونلوق و حاضیرکی دوروم آرتیق آچیق چاتلامالارا سبب اولماغا باشلامیشدیر. آشاغی تشکیلاتی سویه‌لرده‌کی توکنمیش روح حالی و ناراضی‌لیق، بؤحران آنلاریندا اؤزونو گؤستریر. بئله‌لیکله، یوخسوللوق ساده‌جه اعتیراضچی یئتیشدیرمکه قالماز، هم ده گوج یاییسی‌نین ایچ بیرلیغینی ده ضعیفله‌دیر.

بو وضعیت، کیملیک مسئله‌سی و کچمیشده‌کی باسقی‌لارین تاریخی یادداشی ایله بیرلشنده داها دا قاریشیق بیر وضعیت یارانیر؛ آذربایجان و کوردوستانین کوللکتیو یادداشیندا ۱۹۴۶-جی ایل حادیه‌لری ایندی ساواش وضعیتینی‌نین آغیرلیغی آلتیندا یئنیند جانلانییر. تبریزده و آیری شهرلرده ساواش بهانه‌سی ایله یارانان تضییقلر، او دؤورون آچیق یاراسینی یئنیند قانادیر. مرکزی دولتین کیملیک ایستکلرینه قارشو سرت داورانیشی، ایندی ساواش شرایطینده داها دا رادیکاللاشیب و بو تاریخی یادداش، ایقتیصادی آیری-سئچکی‌لرین یانیندا، ناراضی‌لیغا داها درین بیر قات آرتیریر. بو گونون کچمیشدن فرقی روایت واسطه‌لرینده‌دیر. حاضیردا

اینترنتین محدودلاشدیریلماسینا باخمایاراق، سوسیال شبکه‌لر یئرلی روایت لری یئنیند دیله گتیریلمه‌سینه و تاریخی سندلرین یاییلماسینا ایمکان یارادیب. اگر اؤتن اون ایلیکلرده یالنیز رسمی دولت روایتی حاکم ایدیسه، ایندی وطنداشلار اؤز باخیش بوجاقلاریندان دانیشا بیلیرلر و «مرکزیتچی گوجلرین گرچک اوزو» دئییکلری گرچکلیگه میدان اوخویا بیلیرلر و شوبهه آلتینا آلا بیلیرلر. بو یئنی آلان، ایندیکی یوخسوللوق تاریخی باسقی یادداشی آراسینداکی باغی داها دا گوجلندیریب. آلیم گوجونون شیدتله آشاغی دوشمه‌سی، میلیونلار اینسانین آوارا قالماسی و یوخسوللوق حدیندن آشاغیدا یاشایان ۴۰ میلیونلوق اهالی کئچمیش باسقی‌لارین خاطرلنماسی ایله بیرلشدیکده، ناراضی‌لیق آرتیق یالنیز ایقتیصادی ماهیت داشیمیر؛ بو، ایللردیر باسدیریلیمیش بیر میلتن بوگونکی ساواشین یاراتدیگی داغینتیلار ایچیندن یئنی بیر حیات قورماق اؤزلمینی جانلاندیریر. بئله بیر اوتامدا یوخسوللوق سورعتلندیرجی رول اویناییر. هم ایقتیصادی باسقی‌نی یاشایان، هم ده تاریخی باسدیریلما یادداشین دیری ساخالان بیر جمعیت داها سرت تپکی و عکس‌العمل وئره بیلر. بو تپکی گئنیش مقیاسلی اعتیراضلاردان توتوموش گنجلرین بیر حیصه‌سی‌نین رادیکاللاشماسینا قدر دیشه بیلر و بو رادیکاللاشما، چاتیشما تاریخی اولموش بؤلگه‌لرده سیاسی گرگینلیگین آرتماسی و اجتماعی فضائین قوطوبلاشماسی ایله داها دا شیدتله‌نر. مسأله ساده‌جه بیر سیرا تکنیکی ایصلاحاتلارلا حل اولونمور، چونکو آرتیق تکنیکی ایصلاحات اوچون فورستلر یانمیش ساییلیر. اساس مسأله ده‌یرلرده و مدیتده درین دیشیک‌لیکلره احتیاج دویور؛ حاضیرکی گوجون مرکزیشدیرلمه مودلی‌نین گؤزدن کچیریلمه‌سی، رادیکالجا عدم-مرکزیتچیلیک و حاکیمیتین گئچک آنلامدا کیملیک اساسلی حکومتلره اؤتورولمه‌سی واسطه‌سیله میلتلرین یئرلی ایداره‌چیلیگینه وئریلمه‌سی. ساواشین یاراتدیگی اوچوروملاری آزالتماق یالنیز بودجه ایله مومکون دئییل. ساواش بیتسه بئله، دوشونجه طرزین ایصلاحی و گوج موناستیملری‌نین یئنیند تنظیملمه‌سی باش وئرمه‌دن، هر هانسی یاخشیشما کئچیجی اولاجاق؛ غیری-ثابیتلیک و ایستیقارسیزلیق دؤنگوسو، ساغالمامیش یارالارلا دولو بیر حافیظه و اومیدسیر بیر جمعیتله بیرلیکده یئنیند توره‌یه‌جکدیر. بو ایسه شیدت اوچون گوج توپلاما خرج‌لرینی آزالداچاق و یوخسوللوق بازارینی داها دا بؤیوده‌جکدیر. (سون)

بو گونون کئچمیشدن فرقی روایت واسطه‌لرینده‌دیر. سوسیال شبکه‌لر یئرلی روایتلرین یئنیند دیله گتیریلمه‌سینه و تاریخی سندلرین یاییلماسینا ایمکان یارادیب. اگر اؤتن اون ایلیکلرده یالنیز رسمی دؤلت روایتی حاکم ایدیسه، ایندی وطنداشلار اؤز باخیش بوجاقلاریندان دانیشا بیلیرلر و «مرکزیتچی گوجلرین گرچک اوزو» دئییکلری گرچکلیگه میدان اوخویا بیلیرلر و شوبهه آلتینا آلا بیلیرلر.

باسقی، کیملیک و آسیلیق: گونئی آذربایجانلی لارین سیاسی دیلئماسی

سارا تامپو

گونئی آذربایجانلی لار اوزون مودتدیر آیری-سئچکیلکله اوزله شمیاش اولسالار دا، سون دؤورلرده اونلار آرتان سؤزلو، فیزیکی و سیستماتیک باسقیلارلا قارشیلانیرلار. پهلوی طرفدارلار تشکیلاتلار و مدیا، ائلهجه ده کوردلرین گونئی آذربایجانین غرب بؤلگه لرینه کوچو سون گرگینلیکلری داها دا آرتیرمیشدیر.

وارلیق تهلوکه لری، مثلاً تورپاقلاریندان یئریندن اندیلمه تهلوکه سی ایله اوزله شن قوروپلار، ایجتیماعی باخیمدان داها سیخ بیرله شهرک و فرقلی لیگه داها آز قبول گؤسته ره رک قوروپ بیرلیگینی گوجلندیریرلر. قوروپون بقاسینا یؤنه لیک آغیر تهلوکه لر عادتاً ایکی نؤوع عکس العمل یارادار:

۱. داواملی خاریجی باسقی آلتیندا اولان توپلوملار اوچون حاکیم گوج یاپیلارینا (ساختارلارینا) یاخینلاشماق بعضاً گونولیک استراتژیسی کیمی گؤرونه بیلر. آیری-سئچکیلک و قارشیلانیدیلارلار مسأله لرین باسقیسینی آزالتماق ایسته ی قوروپ بئله بیر یولا یؤنه له بیلر. بونون بیر یولو مۆوجود مسأله لر حاقلاندیرماق یا دا گؤرمزلیکدن گلکم و ائلیت لرین (یا دا ضیڈ الیت لرین) باخیشلارینا اویغونلاشماقدیر. بو باخیش عادتاً قدرلی طرفدار کؤتله سینده صاحب اولور، چونکی ائلیت لر (یا دا ضیڈ الیت لر) فیکرلرینین چوخ یاخشی شکیلده تبلیغ اولونماسی اوچون مالی ایمکانلاردا صاحب دیرلر. بونو بعضی مدیا قوروملارینین پهلویلی و اونلارین اطرافیندا باش وئرن حادثه لر قیقدیم ائتمه شکلینده گؤره بیلیریک. بو قوروپ تام شکیلده پهلوی طرفدارینا چئوریله بیلر یا دا ایران طرفدارلار مۆوقعینه گئده بیلر کی، بو دا اونلار روانی راحتلیق وئیر.

۲. قوروپ باشقا بیر شکیلده ده تأثیرلنه بیلر: خاریجی هوجوملار ساکیت اما مودافیعه چی بیر کیملیک قوروما مکانیزمی یارادا بیلر. بئله قوروپلاردا بیرلیک، عئینی هوجوملار اوغرایان باشقالارینا تاپماق و بیرلشهرک حرکت کئچمه اوزره قورولور (حتی بیر نچه نفرین بیر مۆوضوع حاقیندا پایلاشیم ائتمه سی ده بیر حرکت ساییلیر). سون گرگینلیکلرله بیرلیکده آذربایجانلی لار قارشى سؤزلو هوجوملار، تورپاق چانیشمالاری و فیزیکی قارشى دورملار داها چوخ گؤرونمه یه باشلامیش و مدیا واسیطه سی ایله داها آچیق حالا گلیمیشدیر. تشکیلاتلی حرکتلرله میثال اولاراق استادیوملاردا سسله ن شوعارلار (خصوصاً تراکتور طرفدارلارین فاعلیتی)، سوسیال میدادا سوئتی پالتارلارین عومومی یئرلرده گئیمیلمه سی کیمی ترندلر و کولکتیو ایقداملار (مثلاً آلمانلاردا بیر قادینین تحقیر اندیجی سؤزلرین رسمیله بیلدیریلمه سی) گؤستريله بیلر. بئله ایقداملار بیلینچ آلتی (ناخوداگاه) و گوجلو بیر بیرلیک یارادار و بو بیرلیک داها چوخ حرکتله داها دا مۆحکم لشه رک داغیلما سی چتین اولان بیر گوجه چئوريله بیلر.

گونئی آذربایجانین بعضی یاپیسال (ساختاری) اوستونلوکلری ده وار: بو بؤلگه تاریخی باخیمدان فعال اولموش میلی حؤکومت تجروبه سینه صاحب اولان یگانه آزلیق بؤلگه سی دیر؛ جوغرافیایی باخیمدان عئینی اتیک منسوبیتلری اولان دؤولترلرله احاطه اولونموشدور کی، بو دا بؤلگه سل گوج حسابلامالارینا تأثیر اندیر؛ همچنین اؤنملی درجه ده قاینق باخیمدان اؤزونو تأمین ائتمه ایمکانی وار. بونا باخمایاراق، باشقا حرکتلر بو بیرلیگین پوتانسیلینی گؤلگه ده قویا بیلر. پهلوی یؤنلو روایتلر چوخ زامان بوتون مسأله لر صرف سپاهین محصولو کیمی گؤستریر و اونلارین حاکمیتینین بوتون بو مسئله لر حل ائده جه یی تأثرونو یارادیر. مرکزی حرکتلر ایسه ایران ایچینده تام میلی بیرلیک اولمادان ده بییشیک لیگین مومکون اولمادیغینی ایدعا اندیرلر (بو مۆوقع خصوصاً پهلوی طرفدارلاری طرفیندن سیخ-سیخ سسلندیریلیر). دیگر طرفدن تورکیه ده یا دا آذربایجان جمهوریتینده اولان بعضی سیاسی فیکورلارین ان کیچیک ایقداملارین بئله گونئی آذربایجانلیلار اوچون «خیلاصکار» کیمی تقدیم ائتمه و اینسانلاری اونلارلا دستک وئرمه یه دعوت ائتمه پاناشمالاری دا وار.

بو پاناشمالارین اورتاق پروبلمی (حقیقی سووئرینلیک یاراداماقدان علاوه) اوندان عیبارتدیر کی، اونلار آسیلیق دوشونجه سینین تشویق اندیر. یعنی مسأله لرین حلین باشقا قوروپلارلا همکاریدن یا دا اونلارین «قورتاریجیلیغی»-ندان گله جه یی فیکرینی گوجلندیر. بو ایسه بؤلگه سل پوتانسیا لیمیز حاقیندا شعوروموزو آزالدار و اؤزونو ایداره ائتمه ایمکانینا اولان اینامی ضعیفله در. نتیجه ده بو بیرلیک دویغوسال سوویه ده قالا بیلر و باشقا حرکتلرین بیر پارچاسی کیمی گؤستريله رک اونلارین فعالیتلرینه خیدمت ائده بیلر؛ حالبوکی بو استراتژیک و پلانلی بیر حرکت چئوریلمه لی دیر. بو ایسه میلی حرکتین گوجونو و نوفوذونو آزالدیر، چونکی اونون ایچینده باش وئرن فعالیتلر باشقا حرکتلرین آدی ایله یاییلار.

منیم اؤنریم (پیشنهادیم) بودور کی، حرکتین سووئرینلیک و اؤزونو ایداره ائتمه نین نه اولدوغونو داها یاخشی گؤرمه سی اوچون دونیا تاریخیندن نمونه لر گؤستریلسین؛ اما ان مهمی اؤز میلی حرکتیمیزین نالیئت لرین گؤستریلمه سی دیر: اؤز حؤکومتیمیزین زمانین مسأله لرین نئجه حل ائتمه سی و بونو یئنه نئجه ائده بیله جه یی، گوجلو مدیا قورولماسی و بو بیرلیگین ایچینده تشکیلاتی ساختار یارادیلما سی. (سون)


گونئی آذربایجان محبوسلارین اونوتما یاق!!

سیاسی محبوس او کس دیر کی، اؤز خالقینین
حقوق و آزادلیقلاری اوغروندا موباریزه آپاریر و یالنیز
بونا گؤره حبس ائدیلیلر.

لئونارد پئلتیئر



گوئى آذربايجانلى و تورک آيدىنى نين گوجو محض هژمون سؤيلم له قارشى گؤستىرلن تنقىدى موقاويتمده دير.



ايراندا خيال گوجو بۇحرانى: قاپسايىجى دموكراسى موباريزه سينده گوئى آذربايجانلى آيدىنلارلن رولو

واحد قاراباغلى

ايراندا بو گون جمعيت آغير ايقتيصادى چتنيلىكلر، سياسى باسقىلار و شيذت موحيطى ايله اوز-اوزه دير. وطنداشلار توژوم، تحريملر و رپرسىو ايداره ائتمه سونوجو سياسى-اجتماعى آزادلىقلارلن سينىرلانديغى اورتامدا موباريزه آپارير و بۇحرانلار چيخيش يوللارى اختايرلار. اينسانلار تحريملرلن آرادان قالخماسيني، ايقتيصادى ثابتليگى و اوزون ايللردير آرزولانديقلارى نورمال حياتا قايديشى ايسته ييرلر. لاکين مؤوجود رژيم اؤز ايدئولوژيک و ژئوپوليتيک اؤنجه ليکلرينى قورودوقچا، ياپيسال ده ييشيم ايمکانلارى باره ده درين بير اوميدسيزليک حؤکم سورور. لاکين بو دئيشيکليک آرزوسو باسقىچى و فورصتچى قؤوه لر طرفيندن يۇئلنديريلمه کده، مانپوله اولونماقدا و اونلارلن سياسى لايحه لرلن حياتا کئچيريلمه سى اوچون سفربر ائديلمه کده دير. خالقين چيخيلماز وضعيتى نوستالژى اساسلى پوپوليزم اوچون سياسى آلتە چئوريلمکده دير. بو کونتکستده ايرانين کئچميش شاهى نين اوغلو رضا پهلوى سياسى بوشلوقدان يارارلانماغا چاليشماقدا و خاريجى گوجلرين، ائله جه ده فارس ديللى مديا قوروملارلنلن دسته يى ايله اؤزونو مؤوجود بۇحرانلار چيخيش اوچون آلت راتايوسيز ليدر کيمي تقديم ائتمه کده دير. بونا گؤره ده ايران بو گون يالني ز ايقتيصادى چتنيلىکلر و سياسى باسقىلارلا دئيل، هم ده درين بير خيال ائتمه و سياسى پرسپکتىو بۇحرانى ايله اوز-اوزه قالماقدا دير.

شاهين اوغلو سياسى مشروعتيني ۱۹۷۹-جو ايله خالق عوصيانى ايله دئوريلميش شاه ايرئينه ايستيناد ائده رک قورور. موباريزه سؤيلمى دموکراتيک و غئيرى-دموکراتيک پرنسيپلر اوزريندن دئيل، رژيم ده ييشيميندن سونرا حاکميتته گلن سياسى اسلام سيستمى ايله پهلوى-شاهچيلىق ايکي ليگى چرچيوه سينده فورمالاشديريلير. باشقا سؤزله دئسک، موباريزه هانسي سياسى و دموکراتيک شرطلر آلتيندا ايداره ائتمه نين حياتا کئچيريلمه لي اولدوغو سواليندان داها چوخ، کيمين حاکميتته گلمه لي و حاکميتتى اينده ساخلامالى اولدوغو مسئله سينه ائنديريلير. بو چرچيوله مه واسيطه سى ايله او، مؤوجود آيت الله خامنه اي فيقورو قارشيسيندا اؤزونو شاهزاده اوبرازيندا «خالقن آتاسى» (آردى ۸-جى صحيفه ده)

گوئى آذربايجان تورکلرى هانسي گله جک اوچون، هانسي مقصدلر اوغروندا، هانسي اوصوللارلا و هانسي موباريزه فورماسى ايله اوز گوجلرينى يئنيدن سيناياجاقلار؟

گوئى آذربايجان تورکلرى تاريخ بويو هانسي گوجلە، هانسي مقصدلر اوغروندا موباريزه آپاريبلار؟

صمد پورموسوى

گوئى آذربايجانين موباريزه گوجو

گوئى آذربايجان تورکلرى تاريخ بويو موختليف دؤولت لرلن قورولماسيندا و قورونماسيندا فعال ايشتيراک ائتميشلر. بو باخيمدان دئسک اولار کى، اونلار مضمونوندان آسيلي اولماياريق سياسى حاکميت قورماغا و اونو قوروماغا قادير بير خالق ديرلار. تاريخ گؤستيرير کى، ايراندا بير چوخ سياسى حاکميت تورکلرين حربى گوجونه اساسلانماق مؤوجود اولموشدور. بونولا ياناشى، داخيلي چکيشمه لر و بؤلگه سل گوج بالانسى سببيندن اونلار بعضاً سياسى حاکميتده کى نوفوزلارلنى ايتيرميشلر. لاکين ايداره چيلىکده ضعيفله ديکلىرى دؤنملرده بئله، اوردو و دؤيوش مئيدانلاريندا گوجلرينى هئچ واخت ايتيرمه مش، عکسینه هميشه اؤن سىرالاردا يئر آلميشلار.

تاريخده نه اوغروندا موباريزه آپاريبلار؟

تاريخى باخيمدان تورکلر داها گئنیش اراضى لره صاحب اولماق، وئرگى توپلاماق و سياسى حاکميت قورماق مقصديله موباريزه آپارميشلار. بو سببن تورپاغا و اراضى به باغلى ليک اونلارلن دوشونجه سينده مهم يئر توتوموشدور. اونلار عئينى زاماندا، اينانديقلارى دين و سياسى حاکميتلر اوغروندا دا موباريزه آپارميشلار.

سون يوز ايلده کى موباريزه لر


سون يوز ايله، مشروطه حرکتيندن باشلاياريق، گوئى آذربايجان تورکلرى وطن آنلايشى، ايجتماعى قورولوش، قانونون عالى ليگى، ايستيدادا قارشى موباريزه و خاريجى موداخيله لرلن قارشيسى نين آليناماسى کيمي مقصدلر اوغروندا فعاليت گؤسترميشلر. ايراندا مودرن ميلت و دؤولت آنلايشى نين فورمالاشماسيندان سونرا اونلار تدريجاً سياسى گوجلرينى ايتيرميشلر و موباريزه لرى داها چوخ طولمه قارشى چيخماق، سوسىال و سياسى عدالت، برابر حوقوقلار، آزادليق و دينى-مدنى دهرلرلن قورونماسى ايستيقامتينه فورمالاشميشدير. (آردى ۸-جى صحيفه ده)



و خيلاصکار ليدر کیمی تقدیم ائدير. تنقيدچی لری ایسه حاکمیتله عئینی لشدیره رک مارچینال لشدیریر. بۇحران شرایطینده کئچمیش نوستالژی شکیلده ایده آلاشدیریلیر، آنتی-دموکراتیک ائیلملر و سؤیلملر اؤنمسیز لشدیریلیر، شیدت و دیشلايیجیلیغا اساسلانا سیاستی کیملیک اینشا ائدیلهرک آئرناتیوسیز بیر لایحه کیمی تقدیم اولونور. بو باغلامدا گونئی آذربایجانین مۇوجود سیاستی آخینا قارشى، غئیری-دموکراتیک ایکیلیکلرین اؤته سینده، آئرناتیولر اینشا ائتمه جهدی اؤنملی بیر موقاویمت و چيخیش پوتانسیلی داشییر. اؤز دموکراتیک و پورقسو سؤیلمی ایله آئرناتیو بیر گوج اولاراق اورتایا چيخماسی ایستراتژیک بیر دموکراتیک ایمکان کیمی دهیرلندیریلمه لی دیر. میرجعفر پیشه وری نین رضا شاه ایستیدادی دؤورونده وورغولادیغی کیمی، آذربایجان خالقینی اؤز موقدراتینی تعین ائتمه حاقینی الده ائتمه سی اوغرونداکی دموکراتیک موباریزه سی ایراندا باسقى آئیندا اولان توپلوملار اوچون ایلهام منبعی اولموشدور.

بو گون ایرانین حساس کئچید دؤورونده آذربایجان آیدینلاری نین اوزه رینه بؤیوک بیر مسئولیت دوشور. تک سسلی و دار باخیشلی شکیلده دایادیلان شاهزاده لیک و فارس-ایران میلّتی سؤیلمی، ائله جه ده سکسیست و اینکارچی قووه لر قارشیسیندا اؤز آئرناتیو سؤیلملری و سیاستی موقع لری ایله اورتادا دایانماق ضروری دیر. اگر بیز بو موقع لری آچیق شکیلده ایفاده ائتمه سک، باشقالاری بیزی اوز مارقا لاری و سؤیلملری چرچیوه سینده و بیزیم ضریریمیزه تمثیل ائده جک و تانیدا جاقلار.

گونئی آذربایجانلی و تورک آیدینی نین گوجو محض هژمون سؤیلملره قارشى گؤستریلن تنقیدی موقاویمتده دیر. بو موقاویمت یالینیز بؤلگه سل آیری-سئچکی لیگه، عیرقچی دیل سیاستینه و اتنیک هیرارشى لره قارشى دئیل، هم ده قادینلارین، ایشچى لری و اطراف محیط مسئله لری نین بیر-بیری ایله ایچ-ایچه کئچمیش پروبلملرینی حل ائتمک اوچون هر هانسی جیدى پلان تقدیم ائتمه یین، عکسینه بو غئیری-برابر موناسیبتلری ایدئولوژیک و دیسکورسیو اولاراق گوجلندیرن و یئئیدن ایستحصال ائدن په لوی و دیگر مرکزى قووه لره قارشى یؤنلمه لی دیر. باسقى و سوسدورمالارا قارشى آئرناتیو خیاللار و اومیدلری پایلاشماق بیر دیره نیش فورماسی دیر. بو حساس بۇحران دؤورونده پروپاقاندا قارشى دورماق و دموکراتیک موباریزه محیطی نین پاسیولشدیریلمه سینه یول وئرمه مک تاریخی ضرورت دیر. مقصد بیر باسقىچی رژیمین دیگرى ایله عوضلنمه سی دئیل، یاپی باخیمیندان دموکراتیک و قاپسایجی ده ییشیمی اساس هدف کیمی موعینلشدیرمک دیر. (سون)



مؤختلیف دؤنملرده اؤزونو ایداره و سیاستی حاکمیت الده ائتمک چابالاری دا اولموشدور. بو چابالار مشروطه دؤنمینده ایالت و ولایت انجومنلری ایدایسیندا، خیابانی حرکتینده سیاستی مؤختاریت طلبلرینده، داها سونرا ایسه میلی حؤکومت دؤنمینده مدنی/کولتورل و سیاستی مؤختاریت فورماسیندا اؤزونو گؤستریمیشدیر.

بو چابالارین مرکزى حاکمیت طرفیندن یاتیریلما سیندان سونرا موباریزه لر داها چوخ عدالت آنلاییشی اطرافیندا جمع لشمیشدیر. مؤختلیف فورمالاردا عدالت سیزلیک یاشایان گونئی آذربایجان جمعیتی سوؤت لر ایتیفاقی و قوزئی آذربایجانداکی میلی آزادلیق پروسه لری ایله ده ماراقلانمیشدیر.

اونلار ایراندا سول حرکتلرین فورمالاشماسیندا دا اؤنملی رول اوینامیشلار. اینقیلاب دؤنمینده په لوی رژیم نین یاراتدیغی عدالت سیزلیکلره قارشى موباریزه ده فعال ایشتیراك ائتمیش، اونون سقوطو اوچون بؤیوک بدل اؤده میشلر.

اینقیلابدان سونرا دا یئنی عدالت سیزلیکلره اوزلشمه لرینه باخمایاراق، ایران-عراق ساواشیندا اؤلکه نین مودافیعه سینده مهم رول اوینامیشلار. بونا باخمایاراق، ایقتیصادی، مدنی و ایجتیماعی عدالت سیزلیکلرین دوام ائتمه سی سببیه بو موباریزه لر گونوموزده داها گئنیش میلی حرکت فورماسینی آلمیشدیر.

موباریزه و دویوش خصوصیتلری

تورکلر موباریزه لرینی اساساً اؤز گوجلرینه آرخالاناراق آپارمیشلار. اینانیدیقلاری موباریزه لرده ایشتیراك ائتمیش، لاکین قبول ائتمه دیکلری موناقیشه لرین اوزاق دورموشلار. بو خصوصیت اونلاری مقصدلرینه چاتماق اوچون هر وسیله دن استفاده ائدن دیگر سیاستی قووه لرین فرقله ندیریر. ؛

اتنیک باخیش

۲۰-جی عصرین اوّل لریندن اعتیاراً گونئی آذربایجان تورکلرینده اتنیک کیملیک دیگر بعضی خالقلارلا موقایسه ده داها ضعیف رول اوینامیشدیر. اونلارین موباریزه لری داها چوخ اتنیک منسوبته دئیل، عدالت و حقیقت آنلاییشینا اساسلانمیشدیر. بو سببدن اونلار مشروطه اینقیلابی دؤنمینده تورک منشألی قاجار حاکمیتی نین سقوطوندا دا رول اوینامیشلار. قبول ائتمه دیکلری سیاستی سیستم لره، دینی ساختارلار و حاکمیت فورمالارینا قارشى موباریزه آپارماقدان چکینمه میشلر.

نتیجه

گونئی آذربایجانلی لارین تاریخ بویو اورتاق خصوصیتی اونلارین موباریزه چی خصلته صاحب اولمالاری دیر. بو گون ده سون یوز ایله ده حل اولونمامیش مدنی، سیاسی و اجتماعى مسئله لر اوغروندا موباریزه آپارماغا داوام ائدیرلر. خارجی تهدیدلر قارشیسیندا اؤلکه نی قوروماغا و جامعه نی بیرلشدیرمک قاییلیتینه صاحب اولموشلار. بونا باخمایاراق گونوموزده اساس سوال بئله دیر:

گونئی آذربایجان تورکلری هانسی گله جک اوچون، هانسی مقصدلر اوغروندا، هانسی اوصوللار و هانسی موباریزه فورماسی ایله اوز گوجلرینی یئئیدن سینایا جاقلار؟ (سون)

بولتن حاقیندا فیکرلرینیزی گؤزله ییریک:

Email: bulten.sdp@gmail.com